




ს ა ქ ა რ თ ვ ე ლ ო
ქალაქ ფოთის მუნიციპალიტეტის მერია



ბრძანება:ბ42.42220112

თარიღი:11/01/2022

არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის მრავალფუნქციური საცურაო კომპლექსის“ წესდების დამტკიცების, დირექტორის დანიშვნისა და გასაჯაროებელი ღონისძიებების შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „დ.ბ“ ქვეპუნქტის, 106¹-ე მუხლის მე-13 პუნქტის, „არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის მრავალფუნქციური საცურაო კომპლექსის“ დაფუძნებაზე თანხმობის მიცემის შესახებ“ ქალაქ ფოთის მუნიციპალიტეტის საკრებულოს 2021 წლის 21 დეკემბრის N2/82 განკარგულების შესაბამისად,

ვ ბ რ ძ ა ნ ე ბ ა :

1. დაფუძნდეს არასამეწარმეო (არაკომერციული) იურიდიული პირი „ქალაქ ფოთის მუნიციპალიტეტის მრავალფუნქციური საცურაო კომპლექსი“.
2. დამტკიცდეს არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის მრავალფუნქციური საცურაო კომპლექსის“ წესდება თანახმად დანართისა.
3. არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის მრავალფუნქციური საცურაო კომპლექსის“ დირექტორად დაინიშნოს გიორგი ნიჟარაძე (პ/ნ 42001004810) 2022 წლის 11 იანვრიდან.
4. არასამეწარმეო (არაკომერციული) იურიდიული პირის - „ქალაქ ფოთის მუნიციპალიტეტის მრავალფუნქციური საცურაო კომპლექსის“ დირექტორს დაევალოს უზრუნველყოს არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის მრავალფუნქციური საცურაო კომპლექსის“ დაფუძნებასთან დაკავშირებული ღონისძიებების გატარება, აღნიშნული ბრძანების სსიპ საჯარო რეესტრის ეროვნულ სააგენტოში რეგისტრაცია და ყველა ქმედების განხორციელება, რომელიც ეხება აღნიშნული ბრძანებით ვათვალისწინებული მოთხოვნების შესრულებას.
5. „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საჯარო რეესტრის ეროვნული სააგენტოს მიერ გაწეული მომსახურების საფასურის განაკვეთების, საფასურის გადახდევინების წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის № 509 დადგენილების მე-6 მუხლის „ვ“ პუნქტის შესაბამისად, ქალაქ ფოთის მუნიციპალიტეტი განთავისუფლებულია რეგისტრაციის საფასურის გადახდისაგან.
6. ბრძანება შეიძლება გასაჩივრდეს მისი კანონმდებლობით ვათვალისწინებული წესით გაცნობის დღიდან ერთი თვის ვადაში, ფოთის საქალაქო სასამართლოში (მის. ქალაქი ფოთი, დავით აღმაშენებლის ქუჩა №3).
7. ბრძანება ძალაშია ხელმოწერისთანავე.

ბექა ვაჭარაძე

ქალაქ ფოთის მუნიციპალიტეტის მერია-ქალაქ ფოთის მუნიციპალიტეტის მერი

გამოყენებულია კვალიფიციური ელექტრონული ხელმოწერა/ ელექტრონული შტამპი



ქ ფ ო თ ი ს მ უ ნ ი ც ი პ ა ლ ი ტ ე ტ ი ს მ ე რ ი ა
ელექტრონული დოკუმენტის ასლი

უფლებამოსილი პირის
აღმომწერა *გ.წ.მ*

26 „იანვარი“ 2022წ.

არასამეწარმეო (არაკომერციული) იურიდიული პირი „ქალაქ ფოთის მუნიციპალიტეტის მრავალფუნქციური საცურაო კომპლექსი“

სადამფუძნებლო დოკუმენტი
(არასამეწარმეო (არაკომერციული) იურიდიული პირის)
მუხლი 1
ზოგადი დებულებები

- 1.1. არასამეწარმეო (არაკომერციული) იურიდიული პირი - „ქალაქ ფოთის მუნიციპალიტეტის მრავალფუნქციური საცურაო კომპლექსი“ (შემდგომში ტექსტში - საზოგადოება) წარმოადგენს საქართველოს სამოქალაქო კოდექსის შესაბამისად შექმნილ არასამეწარმეო (არაკომერციულ) იურიდიულ პირს.
- 1.2. სუბიექტი წარმოშობილად ითვლება მეწარმეთა და არასამეწარმეო (არაკომერციული) იურიდიული პირების რეესტრში რეგისტრაციის მომენტიდან.
- 1.3. საზოგადოების სახელწოდება: არასამეწარმეო (არაკომერციული) იურიდიული პირი „ქალაქ ფოთის მუნიციპალიტეტის მრავალფუნქციური საცურაო კომპლექსი“
- 1.4. სამართლებრივი ფორმა: არასამეწარმეო (არაკომერციული) იურიდიული პირი.
იურიდიული მისამართი: ქალაქ ფოთის მუნიციპალიტეტი, პოლიკარპე ზერაგიას N49;
ელექტრონული ფოსტა: potikompleksi@gmail.com.
- 1.5. არასამეწარმეო (არაკომერციული) იურიდიული პირი, ხელმძღვანელობისა და წარმომადგენლობითი უფლებამოსილების მქონე პირის მდგომარეობისაგან დამოუკიდებელია. არასამეწარმეო (არაკომერციული) იურიდიული პირის პასუხისმგებლობა შემოიფარგლება მისი ქონებით. არასამეწარმეო (არაკომერციული) იურიდიული პირის ვალდებულებებისათვის მისი ხელმძღვანელობისა და წარმომადგენლობითი უფლებამოსილების მქონე პირები პასუხს არ აგებენ. ასევე არ აგებს პასუხს არასამეწარმეო (არაკომერციული) იურიდიული პირი თავისი ხელმძღვანელობისა და წარმომადგენლობითი უფლებამოსილების მქონე პირების ვალდებულებებისათვის.
- 1.6. არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის მრავალფუნქციური საცურაო კომპლექსი“ (შემდგომში-ტექსტში საზოგადოება) დასაქმებულების თანამდებობრივი სარგოების ზედა ზღვარს განსაზღვრავს ქალაქ ფოთის მუნიციპალიტეტის საკრებულო, ხოლო სამტატო ნუსხას, თანამდებობრივ სარგოს ამტკიცებს საზოგადოების დირექტორი მერთან შეთანხმებით.

1.7. საზოგადოების საქმიანობის მიზნები და ამოცანები:

საზოგადოების მიზნებია:

- ა) სპორტულ-გამაჯანსაღებელი ღონისძიებების ორგანიზება;
- ბ) დასვენებისა და გართობის ღონისძიებების ხელშეწყობა და ორგანიზება;
- გ) პროფილის შესაბამისად, ბავშვთა აღზრდა და სპორტული დაოსტატება;
- დ) ცხოვრების ჯანსაღი წესის პროპაგანდა და მისი დამკვიდრება, მასობრივი სპორტის განვითარების ხელშეწყობა;
- ე) ცურვის ცალკეული სახეობების მიხედვით მუნიციპალური შეჯიბრებების მოწყობა;

ქალაქ ფოთის მუნიციპალიტეტის მრავალფუნქციური საცურაო კომპლექსის მართვის საბჭოს
პრეზიდიუმი
„26“ „იანვარი“ 2022წ.

- ვ) სამედიცინო-დიაგნოსტიკური, სპორტული-გამაჯანსაღებელი პროცესის ორგანიზება.
- ზ) პარტნიორული ურთიერთობის დამყარება ადგილობრივ და უცხოურ ორგანიზაციებთან;
- თ) სახელმწიფო შესყიდვები განახორციელოს დამტკიცებული ასიგნების ფარგლებში, სახელმწიფო შესყიდვების შესახებ კანონმდებლობის შესაბამისად;
- ი) ყველა სხვა საქმიანობა, რაც არ არის აკრძალული არასამეწარმეო (არაკომერციული) იურიდიული პირებისათვის.

1.8. არასამეწარმეო (არაკომერციული) იურიდიული პირი უფლებამოსილია ეწეოდეს დამხმარე არასამეწარმეო (არაკომერციული) იურიდიული პირის მიზნების რეალიზებას. ასეთი ხასიათის სამეწარმეო საქმიანობას, რომლიდან მიღებული მოგებაც უნდა მოხმარდეს საქმიანობის შედეგად მიღებული მოგების განაწილება არასამეწარმეო (არაკომერციული) იურიდიული პირის დამფუძნებელს, წევრებს, შემომწირველებს, აგრეთვე ხელმძღვანელობისა და წარმომადგენლობითი უფლებამოსილების მქონე პირებს შორის დაუშვებელია.

1.9. არასამეწარმეო (არაკომერციული) იურიდიული პირის საკუთრებაში არსებული ქონების გასხვისება შესაძლებელია კანონმდებლობით დადგენილი წესით, თუ გასხვისება ემსახურება არასამეწარმეო (არაკომერციული) იურიდიული პირის საქმიანობას, მის ორგანიზაციულ განვითარებას, ხელს უწყობს მისი მიზნების განხორციელებას ან ემსახურება საქველმოქმედო მიზნებს.

მუხლი 2 საზოგადოების დამფუძნებელი

2.1 საზოგადოების დამფუძნებელი არის საჯარო სამართლის იურიდიული პირი - ქალაქ ფოთის მუნიციპალიტეტი (საიდენტიფიკაციო კოდი 215138143, თვითმმართველი ერთეულების რეესტრში, რეგისტრაციის თარიღი 04.12.2006 წელი, მისამართი საქართველო, ქალაქ ფოთის მუნიციპალიტეტი, დავით აღმაშენებლის ქუჩა N12. ქალაქის ფოთის მუნიციპალიტეტის მერიის ხელმძღვანელია - ქალაქის ფოთის მუნიციპალიტეტის მერი ბექა ვაჭარაძე (პირადი ნომერი 42001020233, მისამართი: ქალაქი ფოთი, წმინდა გიორგის ქ. N42).


მუხლი 3. საზოგადოების მართვა

საზოგადოების უმაღლეს მმართველობით ორგანოს წარმოადგენს დამფუძნებელი (ქალაქ ფოთის მუნიციპალიტეტის მერი, საკრებულო), რომელიც:

1. იღებს გადაწყვეტილებას საქართველოს კანონმდებლობით დადგენილი წესის შესაბამისად საზოგადოების ლიკვიდაციის, რეორგანიზაციის შესახებ;
2. ისმენს საზოგადოების დირექტორის ანგარიშს;
3. იღებს გადაწყვეტილებას უძრავი ქონების შეძენის, გასხვისების, სესხის აღების, თავდებობის შესახებ;
4. მე-3 მუხლის პირველი, მე-2, მე-3 პუნქტებში მითითებული უფლება- მოვალეობის გარდა სხვა უფლება-მოვალეობებს ახორციელებს დირექტორი.

მუხლი 4 საზოგადოების ხელმძღვანელობა/წარმომადგენლობა

ქ ფოთის მუნიციპალიტეტის მერია
ელექტრონული დოკუმენტის ასლი

უფლებამოსილი
ხელმოწერა 

26 " თებერვალი " 2022 წ.

- 4.1. საზოგადოების ხელმძღვანელია - დირექტორი, რომელიც ინიშნება/თავისუფლდება ქალაქ ფოთის მუნიციპალიტეტის მერის ბრძანების საფუძველზე.
- 4.2. დირექტორი ახორციელებს ყველა უფლება-მოვალეობას და პასუხს აგებს ორგანიზაციის შემოქმედებითი და ადმინისტრაციულ-სამეურნეო საქმიანობაზე, სახელშეკრულებო, საფინანსო, შრომისა და საწარმოო დისციპლინის დაცვაზე.
- 4.3. დირექტორი ხელს აწერს წლიურ ანგარიშებს, ბალანსებს და სხვა დოკუმენტებს.
- 4.4. დირექტორი გასცემს რწმუნებებს და მინდობილობებს სხვადასხვა სახის ხელშეკრულებათა განსახორციელებლად.
- 4.5. დირექტორი ქალაქ ფოთის მუნიციპალიტეტის საკრებულოს მიერ დამტკიცებული ასიგნებისა და ზედა ზღვარის ფარგლებში ქალაქ ფოთის მუნიციპალიტეტის მერთან შეთანხმებით განსაზღვრავს საშტატო ნუსხას და თანამდებობრივ სარგოებს.
- 4.6. დირექტორი შრომის კანონმდებლობის შესაბამისად დებს შრომით ხელშეკრულებებს დასაქმებულთან, განსაზღვრავს მათ უფლებამოსილებას.
- 4.7. დირექტორი გამოსცემს ბრძანებებს თავისი კომპეტენციის ფარგლებში.
- 4.8. დირექტორი ვალდებულია წარუდგინოს ქალაქ ფოთის მუნიციპალიტეტის მერს, საკრებულოს, ანგარიშები გაწეული მუშაობის შესახებ, ასევე სხვა მოთხოვნილი ინფორმაცია, რომელიც დაკავშირებულია დაწესებულების საქმიანობასთან.
- 4.9. საზოგადოების წარმომადგენლობაზე უფლებამოსილი პირია დირექტორი.

მუხლი 5

დამფუძნებელის და წევრების უფლებები და მოვალეობები

დამფუძნებელის ქალაქ ფოთის მუნიციპალიტეტის (ქალაქ ფოთის მუნიციპალიტეტის მერის, საკრებულოს) უფლებები და მოვალეობები განისაზღვრება ამავე წესდებით და მოქმედი კანონმდებლობის შესაბამისად.

მუხლი 6

საზოგადოების ლიკვიდაცია/რეორგანიზაცია

- 6.1. არასამეწარმეო (არაკომერციული) იურიდიული პირის რეორგანიზაცია ხორციელდება საქართველოს კანონმდებლობით დადგენილი წესით.
- 6.2. არასამეწარმეო (არაკომერციული) იურიდიული პირის ლიკვიდაცია ხორციელდება მიზნის მიღწევის შედეგად, სისხლის სამართლის საქმეზე კანონიერ ძალაში შესული სასამართლოს გამამტყუნებელი განაჩენის საფუძველზე, გაკოტრებისას ან საქართველოს სამოქალაქო კოდექსის შესაბამისად.
- 6.3. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.
- 6.4. დამფუძნებელის გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.
- 6.5. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავს არასამეწარმეო (არაკომერციული) იურიდიული პირის დამფუძნებელი არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:
 - ა) გასხვისება ხელს უწყობს მის მიერ დასახული მიზნების განხორციელებას.
 - ბ) ემსახურება საქველმოქმედო მიზნებს;
 - გ) ქონება გადაეცემა სხვა არასამეწარმეო (არაკომერციულ) იურიდიულ პირს.
- 6.6. აკრძალულია ლიკვიდაციის შედეგად დარჩენილი ქონების განაწილება არასამეწარმეო (არაკომერციული) იურიდიული პირის დამფუძნებელს, ხელმძღვანელობასა და წარმომადგენლობითი უფლებამოსილების მქონე პირებს შორის.

ქალაქ ფოთის მუნიციპალიტეტის მერი
 უფლებამოსილი პირი
 ხელმოწერა: _____
 26 " იანვარი " 2022 წ.

6.7. თუ არასამეწარმეო (არაკომერციული) იურიდიული პირის დამფუძნებელი არ განსაზღვრავს ლიკვიდაციის შედეგად დარჩენილი ქონების მიღებაზე უფლებამოსილ პირს, სასამართლო არასამეწარმეო (არაკომერციული) იურიდიული პირის ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო (არაკომერციულ) იურიდიულ პირს. თუ ასეთი ორგანიზაციები არ არსებობს ან შეუძლებელია ასეთი ორგანიზაციების გამოვლენა, მაშინ შეიძლება მიღებულ იქნეს გადაწყვეტილება ამ ქონების მუნიციპალიტეტისთვის გადაცემის შესახებ. სასამართლომ ქონება შეიძლება გაანაწილოს ლიკვიდაციის პროცესის დაწყების რეგისტრაციიდან 6 თვის შემდეგ.

6.8. ლიკვიდაციას ახორციელებს ხელმძღვანელობის უფლებამოსილების მქონე პირი ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

6.9. ლიკვიდაციაზე და რეორგანიზაციაზე გადაწყვეტილებას ლიკვიდატორს დაეუბნება დამფუძნებელი, ხოლო შესაბამის ღონისძიებებს ახორციელებს დირექტორი.


მუხლი 7 დასკვნითი დებულებები

7.1. წინამდებარე წესდება ძალაში შედის დამფუძნებლის უფლებამოსილი პირის (ქალაქ ფოთის მუნიციპალიტეტის მერი) მიერ ხელმოწერის მომენტიდან.

7.2. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.

7.3. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.

ქალაქ ფოთის მუნიციპალიტეტის მერი



ბექა ვაჭარაძე

ქალაქ ფოთის მუნიციპალიტეტის მერიის
დამფუძნებლის მოქმედების ახალი
დამფუძნებლის მოქმედების ახალი
26 " იანვარი " 2022წ.